

COVID-19 thiab kev nojqab nyobzoo thiab kev nyab-xeeb ntawm kev ua haujlwm – Rau cov Lag-luam me

Kev Taug-xyuas thiab kev tswj thiab tiv-thaiv teebmeem -Assessing and managing risks

COVID-19 tau ua rau peb txojkev ua neej thiab ua haujlwm pauv mus ntau. Qhov tshwj-xeeb peb cov lag-luam me txojkev lag-luam tseem pheej pauv tsis-so li thiab.

Kev tiv-thaiv COVID rau cov neeg ua haujlwm kom ntsib kev nojqab nyobzoo thiab kev nyab-xeeb, yog ib qhov kev taug-xyuas tshwj-xeeb rau cov tswv lag-luam ntawm yuav paub tau meej tias, yuavtsum npaj kev tiv-thaiv teebmeem licas rau koj, rau koj cov neeg ua haujlwm thiab rau cov neeg tuaj yuav-khoom.

Thaum koj mus npaj kev tiv-thaiv daws teebmeem, nug koj tus kheej tias:

- Qhov twg yog qhov yuav ua teebmeem (harzard) rau koj?
- Muaj teebmeem dabtsi uas yuav raug-mob rau tibneeg, thiab yuav raug tau licas?
- Cov teebmeem yuav tshwm sim tau heev npaum licas?
- Kuv yuav ua licas thiaj nrhiav kev tiv-thaiv thiab tswj tau cov teebmeem kev muaj xwm?
- Kev taug thiab txheeb-xyuas cov teebmeem tsis-so, yog txojkev paub meej tias, yuav npaj tiv-thaiv licas thiaj daws tau cov teebmeem thiab puas muaj lwm yam teebmeem tshiab ?

Kev tiv-thaiv teebmeem yuavtsum muaj tag mus li – txheeb-xyuas cov teebmeem tshiab uas yuav tshwm-sim los ntawm kabmob COVID-19, xwsli neeg yuav-khoom yuav muaj kev npau-taw heev tuaj, yuav muaj kev txhib kom ua haujlwm ceev losyog muaj kev sibcais haujlwm, ib leeg ua nyob ib qho.

Koj yuavtsum nrog koj cov neeg ua haujlwm sibtham. Yog muaj kev sibkoom tes, nws yuav paub tseeb txog qhov teebmeem ces thiajli yuav sib pabcuam tiv-thaiv tau.

Los sibpab koomtes coj, kom kev Lag-luam mus tau zoo. Yog xav paub ntau, mus xyuas hauv lub website - safeworkaustralia.gov.au.

Kev nyob sib-nrug deb -Physical distancing

COVID-19 yuav sibkis ntau rau thaum muaj cov neeg coob ua haujlwm nyob sib-ze uake. Yog thaum ua tau, xav kom nyob sib nrug-deb ntawm lwm tus.

Nco ntsoov tias:

- Yuav tau txhim-kho thajchaw ua haujlwm tshiab.
- Yuav tau pauv kev sablaj kom tsis tas sib ntsib tim-ntsej tim-muag.
- Tsis txhob pub neeg coob nyob uake rau thajchaw uas sawvdaws sibkoom siv.

- Tswj kom muaj kev ua queues sawv sibtos thiab siv cov leb number hu neeg yuav-khoom.

Yog ua tau, xavkom teem caij sibntsis rau cov neeg tuaj sibcuag kom ib nyuag nrug deb thiab saib-xyuas kom cov neeg ua haujlwm nyias yuavtsum muaj nyias cov twj-taig khoom-siv rau nyias tus kheej.

Cov kev qhuab-qhia txog tus kabmob COVID-19 rau cov tsev lag-luam muaj nyob rau hauv lub website safeworkaustralia.gov.au.

Kev tu thiab cheb koj lub chaw ua haujlwm - Cleaning your workplace

COVID-19 yog kis los ntawm cov npuas aub-ncaug (droplets) ntawm tus neeg mob thaum nws hnoos losyog txham tawm los.

Lwm tus yuav kis tau tus kabmob COVID-19 thaum nws mus tuav/chwv rau thajchaw ntawm muaj cov npuas aub-ncaug dhia tawm los poob rau.

Ceevfaj tu thajchaw ua haujlwm kom huvsu, xwsli siv sab-npuas tod xyaw dej ntxuav yam tsawg, ib hnuv ib zaug.

So thajchaw kom huv ces koj mam muab tshuaj tua kabmob tsuag.

Yuavtsum xub so thajchaw uas muaj neeg xuas tev tuav ntau uantej.

Yog koj muaj neeg mob COVID-19 hauv chaw ua haujlwm, koj yuavtsum muab thajchaw tu thiab tsuag tshuaj tua kabmob kom thoo-plaws uantej yuav pub neeg rovqab tuaj.

Cov kev qhuab-qhia txog tus kabmob COVID-19 rau cov lag-luam thiab tsev ua haujlwm - industry, muaj nyob rau hauv safeworkaustralia.gov.au.

Lub website Safe Work Australia COVID-19

Lub tsev saib neeg ua haujlwm Safe Work Australia tau teev ib cov kev qhuab-qhia tshiab coj los pabcuam cov lag-luam me kom nkag-siab txog nws lub luag haujlwm, kom paub saib kev nojqab nyobzoo thiab kev nyab-xeeb thiab tiv-thaiv tus kabmob COVID-19 hauv chaw ua haujlwm.

safeworkaustralia.gov.au muaj cov ntau ntawv ntau yam xwsli kev ntsuas-xyuas saib yuav tiv-thaiv teebmeem licas, kev nyob sib nrug-deb, kev tu-cev ntxuav-tes, twjtaig khoom-siv tiv-thaiv rau neeg ua haujlwm, kev pabcuam txog kev nyuab-siab mental health thiab kev tu losyog cheb tej chaw ua haujlwm.

Siv cov txheej-txheem (content) tshawb xyuas cov ntau-ntawv txog qhov koj xav paub thiab tshwj-xeeb rau cov lub lag-luam me thiab loj. Nws tseem muaj cov ntawv checklist qhia thiab cov paib ntawv tibsi..

Kev qhuab-qhia rau cov lag-luam muaj nyob rau hauv - safeworkaustralia.gov.au.